
Nous materials de Toponímia Valenciana. Edició a cura d'Emili CASANOVA i Lluís R. VALERO. València, Denes Editorial, 2013.

Nel cursu 2010-2011 impartíose nos locals del ADEIT de la Universidá de València un cursu de «Postgrau-Diploma de Toponímia i Onomàstica Valencianes», sofítáu pola Academia Valenciana de la Llengua y el Departamentu de Xeografía d'esa universidá y dirixíu polos profesores Emili Casanova (Filoloxía) y Joan Mateu (Xeografía). L'oxetivu del cursu yera seguir formando nuevos especialistas n'Onomàstica, siguiendo la secha del «Mestratge de Toponímia» que s'impartiere na Universidá valenciana los años 1990 y 1991.

Resultáu de los trabayos d'esi cursu ye l'estimable ya interesante volume de 940 páxines qu'agora reseñamos, *Nous materials de Toponímia Valenciana*, nuna edición al cargu d'Emili Casanova y Lluís R. Valero qu'inclúi un total de 30 trabayos, seleición de les clases y de les investigaciones de parte de los 25 profesores invitaos al cursu y de los 23 alumnos asistentes. Los trabayos, de destremáu llargor, tán redautaos en catalán, valencianu, castellán y asturianu y preceídos por una «Presentació» del profesor Emili Casanova (pxs. 9-14), a la qu'empobinamos especialmente por cuantes que se da cuenta percuriada nella de les carauterístiques téuniques y académiques y del programa extra-escolar del citáu «Diploma de Toponímia i Onomàstica Valencianes», que tenía como oxetivu principal formar a nuevos especialistas n'Onomàstica con conocimientos interdisciplinarios n'otres estayes como la Xeografía, la Cartografía, la Paleografía, etc.

Entamando con una llarga collaboración del gran toponimista catalán Ramon Amigó (†), llamentablemente desaparecíu apocayá, «Ensenyaments onomàstics d'un vell i savi toponimista» (pxs. 17-51), que val d'introducción al empar que de repasu y reflexón sobre la investigación onomàstica, los trabayos inxertos nel volume son: «Toponímia rural medieval de Vilafamés: vies de comunicació i hàbitat», de Xavier Allepuz Marzà (pxs. 53-71); «Toponímia aràbiga del protocol notarial de Sabastià de Xulbe (1470-72)», de Josep Andrés (pxs. 73-107); «Fuentes antiguas de la toponimia prerromana hispánica», de Xaverio Ballester (pxs. 109-131); «Filologia romànica i antroponímia. Cognoms d'origen no català incorporats en el nostre sistema antroponímic», de Maria Reina Bastardas i Rufat (pxs. 133-144); «La influència de les recomanacions sobre toponímia de les Nacions Unides: una mirada a Europa, Espanya y Catalunya», de Mar Batlle (pxs. 145-157); «Orografia i hidronímia», de Jesús Bernat Agut (pxs. 159-187); «Els topònims de la Comunitat Valenciana als antics itineraris romans», de Xavier Carqués Valera (pxs. 189-214); «Toponímia i gramàtica històrica: dos matèries complementaries», d'Emili Casanova (pxs. 215-228); «Els prenomes femenins de Benaguasil al s. XIX», de Neus Domínguez Vicente (pxs. 229-249); «Aplicació per a la creació de nomenclàtors toponímics a través d'Internet», de Carlos Embue-

na Puerta (pxs. 251-266); «Antroponímia medieval valenciana: el cas de Borriana», d'Ascensió Figueres Górriz (pxs. 267-277); «Documentación secundaria y comparanza en toponímia», de Xosé Lluís García Arias (pxs. 279-284); «Toponímia i antroponímia una relació molt fructífera: el cas de la vila de Jarafuel», d'Antoni García i Osuna (pxs. 285-318); «Hidronímia de Siete Aguas», d'Esther Haro Carrasco (pxs. 319-333); «Microtoponímia de l'Estepar (Xodos)», de Cèsar Mateu i Beltran (pxs. 335-368); «Procès de canvi de nom oficial de municipis valencians de 1977 ençà», de Joan Carles Membrado Tena (pxs. 369-393); «Antroponímia valenciana i legislació», de M. Teresa Mollà Villaplana (pxs. 395-435); «La toponímia d'Aldaia», de Mireia Mora Guzmán (pxs. 437-462); «Toponímia d'origen llatí, germànic i català», de Jose Moran i Ocerinjauregui (pxs. 463-374); «Horonímia de la Comunitat Valenciana. Els noms de les fronteres», de Angel Narro Sánchez (pxs. 475-500); «Aproximació a la toponímia menor del terme municipal de Godella», de Carme Navarro i Campos (pxs. 501-509); «Nova enquesta de la toponímia de la costa w-sw de l'illa d'Eivissa», de Salvador Rabasa Sanchis (pxs. 511-535); «La sufixació en la toponímia», de Joan Anton Rabella (pxs. 537-554); «Aproximació al parlar mossaràbic d'Eivissa a través de la toponímia», d'enric Ribes i Marí (pxs. 555-574); «Meliana: aproximació etimològica i toponímia rural», de Ramón Ruipérez & Sandra Pau (pxs. 575-667); «“Yo te bautizo”: Noms de bateig i llinatges. El quinque libri de Xulilla. 1750-1800», de Vicente Sebastián Fabuel (pxs. 669-687); «Toponímia litoral i de la mar de Xàbia», de Josep Antoni Torregrossa Bou (pxs. 689-827); «L'onomàstica: les fonts històriques i documentals valencianes», de Francesc Torres Faus (pxs. 829-867); «Una interpretació de la toponímia ribagorçana en clau de paisatge», de Joan Tort i Donada (pxs. 869-892); y «Toponímia de Quartell (i la Vall de Segó). Estudi diacrònic», de Pepa Vilar Campos (pxs. 893-939).

Como pue alvertise nesta llarga y granible llista, tán presentes toles estayes qu'han formar siempre parte del bon estudiu onomásticu: fontes històriques y documentales, sustratos llingüísticos, corpus históricos (toponímicos y antroponímicos), aspectos dialeutolòxicos y de cadarma llingüística, etimoloxía, metodoloxía, encuestación, cartografía; y, mui en particular, cuestiones de llexislación y normativización toponímica y antroponímica, tan necesaries siempre nos procesos de normalización llingüística.

Un trabayu de xuru bien interesante y especialmente amañosu pa estudiosos y téunicos que, dende'l puntu de vista académicu y del de la normalización llingüística, trabayen nesos dos grandes campos que son la Toponomástica y l'Antroponomástica. [Pilar Fidalgo Pravia].